

李文恭公遺集

李文恭公奏議卷十一目錄

湘陰李星沅石梧著

男 櫬 編次

榛 桓 梲

蘇撫

知府試用期滿循例甄別摺子

審擬署參將張鴻亮宿娼被革兵陸紀善翦去髮

辦全案摺子

審結姚元燮在任自縊委無別故摺子

查明江安蘇松兩糧道漕項奏銷比較完欠數目

摺子

附奏巡緝洋面情形片子

附奏昭文縣佃戶滋事將知縣毓成撤委片子

查明蘇省積欠災緩銀米麥豆穀石實在數目摺

子  
附清單

查明各州縣歷年墊完民欠銀米懇

恩豁免摺子  
附清單

請獎捐米各員摺子

並清單

調補長洲縣知縣摺子

特參交代虧短各令摺子

附奏查辦交代情形片子

請將節婦總坊改建各州廳縣摺子

覆奏訪拏術誑幼孩匪徒摺子

附奏縷陳密查邪匪誑毒情形片子

知府試用期滿循例甄別摺子

奏爲知府試用一年期滿循例甄別恭摺具

奏仰祈

聖鑒事竊照定例捐納道府循例簽掣分發者試用一  
年期滿後該督撫察看才具分別堪勝繁簡專摺  
奏

聞照例題補外其有才具平常卽嚴行甄別等因遵辦  
在案茲查試用知府鍾殿選現年五十四歲順天

供事祖籍浙江議叙府經歷加捐布政司經歷分  
發廣西咨署得缺升補桂林府龍勝口通判丁父  
憂服滿選授江蘇松江府柘林通判丁母憂回籍  
旋於上海捐輸案內奉

旨著俟服闋後以知府不論雙單月選用竝著隨帶加  
二級紀錄一次欽此服滿赴部復在順天捐輸河工  
經費道光二十五年二月初一日奉

旨以知府分發江蘇補用欽此引

見奉

旨著照例發往欽此是年三月十五日給照五月二十  
六日到省照例歸於六月初六日掣簽竝無同班  
同月到省人員無庸簽掣名次應卽以簽掣之日  
作爲到省日期今扣至二十六年閏五月初六日  
試用一年期滿據江蘇藩臬三司詳請甄別會  
奏前來臣等查該員幹練勤明精於審斷堪勝繁缺  
知府之任謹合詞恭摺具

奏伏乞

皇上聖鑒謹

奏  
道光二十六年閏五月二十四日具  
奏奉

硃批吏部知道欽此



審擬署參將張鴻亮宿娼被革兵陸紀善剪去髮  
辮全案摺子

奏爲審明革兵懷妒扶嫌剪去營員髮辮按例分別  
定擬恭摺奏祈

聖鑒事竊照署川沙營參將張鴻亮寅夜前往流娼楊

金氏家致被革兵陸紀善等剪去髮辮一案當經

臣等會同提臣尤渤據實

奏參欽奉

諭旨川沙營參將福山鎮左營遊擊張鴻亮著先行革職交該督等提集全案犯證秉公研訊確情按律究辦等因欽此當經行司欽遵提集犯證飭委蘇州府等審明議擬由署臬司積喇明阿覆審詳解前來

臣

李星沅親提研鞫緣陸紀善賈長和卽賈老五張成範萬二和均籍隸川沙陸紀善曾充川沙營字識於道光二十四年十一月因誤公爲署參將張鴻亮斥革賈長和係已革川沙同知衙門代書

張成範係已革川沙同知司獄衙門書識陸紀善  
賦性兇惡有原籍元和縣寄住川沙之楊金氏縱  
容其女秀錦在家賣姦陸紀善時往姦宿給錢無  
多楊金氏向其增索卽被辱詈并稱欲將秀錦霸  
占爲妾楊金氏不敢與較張鴻亮到任時曾經暫  
賃監生莊行忠房屋居住因與莊行忠之弟莊行  
義認識二十五年十一月初間張鴻亮至莊行義  
家探望閒談莊行義向稱楊金氏之女秀錦尙屬

少女張鴻亮邀令同往觀看欲買爲妾竝托莊行  
義代爲媒合已有成說二十八日夜張鴻亮帶領  
額外外委陸得勝兵丁施連升出外巡查路經楊  
金氏家門首順便進內坐歇陸紀善聞知心懷如  
恨竝挾張鴻亮斥革之嫌起意割辦訛詐卽向賈  
長和張成範萬二和黃阿六黃阿七竝在逃之包  
咸和劉瀛咸告知情由邀往幫助許俟詐錢均分  
賈長和等應允偕抵附近楊金氏家之三官堂西

街適遇張鴻亮等由楊金氏家走出黃阿六黃阿  
七因係官長臨時畏懼不敢上前退至街口遙望  
賈長和張成範萬二和先將施連升手提燈火踢  
滅攔住陸得勝施連升互相推扭致指甲抓傷陸  
得勝等手指究係何人致傷黑暗中不能辨認包  
咸和劉瀾咸抱住張鴻亮腰眼陸紀善潛至背後  
將其髮辮剪獲招呼賈長和等鬆放逃逸該營千  
總葉振榮聞信趕至督同廳役追獲黃阿六黃阿

七解廳張鴻亮等亦赴廳驗傷提究陸紀善畏罪  
央求已革守備周世揚及文生吳鏞監生劉楷等  
聯名赴該廳營呈求寬宥送還髮辮經川沙廳同  
知溫綸滋據實通稟張鴻亮亦以陸紀善挾嫌擅  
毆弁兵截割髮辮等詞先行文飾稟報

臣等

奏奉

諭旨將張鴻亮革職提省查驗張鴻亮頭髮尙堪爲髻  
訊明擬解

臣

親提覆詰衆供不移案無遁飾查例

載兇惡棍徒發極邊足四千里安置又律載縱容  
妻妾與人通姦各杖九十若縱容親女與人通姦  
罪亦如之各等語此案陸紀善係已革營職恃強  
姦宿妓女欲圖霸占因參將張鴻亮說買爲妾輒  
敢懷妒挾嫌剪辮圖詐雖由張鴻亮自取侮辱究  
係革兵干犯舊日之本管官且衅起欲圖強占婦  
女糾衆攔路生事其情勢實屬兇惡陸紀善除與  
秀錦通姦及拔髮方寸以上各輕罪不議外應請

照兇惡棍徒發極邊足四千里安置例發極邊足四千里安置賈長和張成範均係革書萬二和雖非在官人役但明知陸紀善恃強宿娼復圖訛詐輒敢聽糾攔扭剪辮致傷弁兵亦難輕縱應各於陸紀善軍罪上照爲從減一等杖一百徒三年分別發配折責安置陸紀善母老丁單張成範年逾七十均不准留養黃阿六黃阿七聽糾同往臨時走避尙知畏法應照不應重律杖八十各折責發



落已革署川沙營參將事福山鎮標左營遊擊張  
鴻亮係專營將領帶同弁兵前往娼家并欲買娶  
妓女爲妾致爲革兵挾嫌剪辮蕩檢踰閑至此已  
極迫經事發猶復飾詞文過非尋常不守官箴可  
比若僅革職不足以示懲創相應請

旨從重發往軍臺効力贖罪莊行義誘領張鴻亮前往  
娼家又代媒說致釀事端已革守備周世揚文生  
吳鏐監生劉楷因陸紀善向其懇求冒昧代爲乞

恩額外外委陸得勝兵丁施連升隨同張鴻亮至  
楊金氏家並不稟阻致被侮辱均屬不合應請各  
照不應重律杖八十周世揚會於守備任內請有  
封典核其所犯尙非行止有虧與吳鏐劉楷一并收贖  
陸得勝以營弁隨赴娼家應行斥革免其杖責施  
連陞革伍與莊行義一并折責發落楊金氏縱容  
親女秀錦賣姦應照縱容通姦各杖九十律各杖  
九十俱係犯姦婦女照律酌決無干省釋陸紀善

所給錢文並無確數竝免著追逸犯包咸和等緝  
獲另結失察流娼之松江府川沙同知溫綸湛應  
請交部照例議處除供招咨部外所有審明定擬  
緣由

臣

等謹合詞恭摺具

奏伏乞

皇上聖鑒敕部核覆施行謹

奏  
道光二十六年閏五月二十四日具

奏奉

硃批該部議奏欽此

審結姚元變在任自縊委無別故摺子

奏爲查明知縣在任自縊委無別故恭摺奏祈

聖鑒事竊照署江浦縣事儀徵縣知縣姚元變在署自

縊身死該故員胞兄監生姚黃綬以不赴儀徵本

任爲其自盡之由稟經督臣咨送由臣提蘇查辦

奏奉

硃批悉心究訊欽此當經恭錄轉行蘇藩臬司欽遵委

員確審姚黃綬復以前情赴

欽差尙書賽尙阿侍郎周祖培途次具稟竝准咨交到

臣

查姚黃綬旣以不赴儀徵爲言自應先查姚元

燮調署江浦原委以昭折服卽經

臣

飭據前署江

甯藩司徐州道查文經稟復前因儀徵縣陳文杰  
緝捕不力

奏參革職飭委孫炳煒接署協緝要犯尙未全獲姚  
元燮到省後未便遽令前往轉易生手旋值江浦  
縣劉坦調署山陽詳明委令姚元燮暫署就近察

看等情茲據蘇藩臬司會詳轉據委員長洲縣知  
縣陳介眉等提同丁書人等訊明姚元變賦性拘  
謹素患怔忡道光二十五年九月到省十月委署  
江浦縣事查有劉坦任內初參未屆尙未移交銀  
兩恐至賠累又以舊多私債日久恐復致虧署中  
薪水已用捐雜銀八百餘兩憂愁莫釋以致舊疾  
復發心神恍惚於二十六年二月二十一日自縊  
身死核與呈府遺稟及江甯府原審情節相同至

劉坦交代並無虧缺庫書王大田將屯米墊兌漕糧實係照舊辦理業已徵起歸屯亦無顆粒短少家丁李銘遺失借用銀兩先經江甯府提案責懲勒限追還姚元變短交捐雜銀兩由該家屬趕緊措繳姚黃綬實因痛弟情切見遺稟旁註有原選廣東陸豐縣奉

旨改調江蘇儀徵縣現署江浦縣事二十二字疑爲致

死根由先後赴督

臣暨



欽差途次稟訴現經逐一訪查明確不敢固執等情前來  
臣覆督同藩臬兩司飭傳姚黃綬到案反覆究詰仍據出具親供自認冒昧俯首無詞是姚元變過慮輕生本無屈抑而姚黃綬懷疑申訴非有見聞惟痛弟尙可原情且到案卽行具悔應與訊明無干之丁書人等均無庸議除飭將劉坦姚元變交代依限盤查照例詳咨並將姚元變樞眷料理回籍外理合恭摺具

奏伏乞

皇上聖鑒謹

奏 道光二十六年閏五月二十四日具

奏奉

硃批該部知道欽此

查明江安蘇松兩糧道漕項奏銷比較完欠數目

摺子

奏爲查明江安蘇松兩糧道所屬道光二十四年漕  
項奏銷案內已未完解錢糧比較上三年完欠分  
數循例恭摺奏祈

聖鑒事竊准部咨各省徵收漕項錢糧係隔年奏銷應  
照奏准之案屆時將新舊完欠分數開單比較上  
三年數目奏報等因歷經遵照辦理在案茲屆道

光二十四年漕項奏銷之時據江安督糧道沈兆  
澧詳稱江安各屬道光二十四年額徵漕項銀兩  
除抵兌緩徵等款外實應徵銀二十萬六千三百  
五十四兩零截至道光二十六年造報奏銷之日  
止已完解道銀一十六萬四百六十六兩零未完  
銀四萬五千八百八十八兩零比較道光二十一  
年計今屆多完二釐比較道光二十二年計今屆  
少完三釐比較道光二十三年計今屆少完一釐

又舊賦項下道光二十四年帶徵道光十年起至  
道光二十三年止積欠銀兩除災緩徑給等款外  
實應徵銀一十四萬五千三百五十三兩零截至  
道光二十六年造報奏銷之日止已完解道銀一  
萬九千四百五十三兩零尙未完銀一十二萬五  
千八百九十九兩零比較道光二十一年計今屆  
多完二釐比較道光二十二年計今屆少完五釐  
比較道光二十三年計今屆少完三釐又據蘇松

督糧道倪良燿詳稱蘇松等屬道光二十四年額徵漕項銀兩除贍運緩徵等款外實應徵銀四十六萬五千一百三十三兩零截至道光二十六年造報奏銷之日止已完解道銀二十七萬四千五百一十兩零未完銀一十九萬六百二十二兩零比較道光二十一年計今屆多完一釐比較道光二十二年計今屆完數相同比較道光二十三年計今屆少完二釐又舊賦項下道光二十四年帶

徵嘉慶二十三年起至道光二十三年止積欠銀  
兩除清查等案追補及蠲緩各款外實應徵銀二  
百四十九萬六百二十兩零截至道光二十六年  
造報奏銷之日止已完解道銀八萬三千四百三  
兩零尙未完銀二百四十萬七千二百一十六兩  
零比較道光二十一年計今屆多完二釐比較道  
光二十二年計今屆多完一釐比較道光二十三  
年計今屆多完一釐均遵照部頒式樣將新舊錢

糧按年核明已未完數開列比較清單詳請具

奏前來

臣

覆核無異除飭兩糧道嚴督各屬將未完

銀兩實力催徵完解仍調查紅簿串根逐加確核  
如有銀數參差卽行嚴參懲辦竝咨明戶部查核

外謹會同安徽巡撫

臣

王植恭摺具

奏并另繕清單恭呈

御覽伏乞

皇上聖鑒謹



奏 道光二十六年閏五月二十四日具  
奏奉

硃批戶部知道單并發欽此

附奏巡緝洋面情形片子

再近來江蘇洋面商船數次遇盜奉賢寶山二縣地方復有洋盜登岸行劫典舖之事業經臣等會

同提臣將疎防各員分別

奏參勒緝其奉賢縣典舖被劫案內所獲盜犯鄭步轉等五名訊皆浙江溫臺等府匪徒乘風北來遊奕伺掠亦經提省審辦在案查巡洋責在水師督捕尤資專閫蘇松鎮總兵林明瑞係統巡江省外

洋之員盜船由浙來江必不能飛越汎境福山鎮  
總兵孫雲鴻係統巡內洋之員聲勢亦極聯絡核  
計該二鎮夏季巡洋船隻共大小三十一號配載  
官兵一千餘名兵力已不爲薄雖盜船乘風來往  
厯無定蹤而江浙交界之陳錢馬蹟大小羊山等  
處水深澳廣洋匪每向泊船卽係林明瑞水師應  
巡之地現當盜風初熾亟須上緊截拏臣等與提  
臣迅密函商擬令林明瑞以巡洋爲追捕駛赴陳

錢等處搜查有無盜窩及盜船寄泊又令孫雲鴻以巡洋爲援應相機行駛遇有盜匪速卽合力兜擒否則各巡各洋不准仍蹈積習徒以探明盜蹤再行請調兵船會捕藉詞延宕至巡洋船隻甫於善後案內經林明瑞等核定大小數目稟由臣壁昌

奏准辦竣更不得以兵船不敷率請雇募商船致滋擾累仍由臣等遴委幹員分投會查如有沿海土

匪接濟勾結嚴密拏辦卽責成廳縣營汛督率兵  
役地保晝夜瞭探見有盜船遊奕或當水師追捕  
飛稟飭拏倘敢乘隙登岸刻速堵截擒解竝將巡  
洋兵船實在有無過境按五日稟報一次以杜欺  
飾該水陸文武各官果能偵獲巨盜容臣等核實  
奏懇

恩施設竟畏難苟安虛應故事亦卽會同嚴參斷不敢  
稍有姑容以仰副我

皇上整飭水師又安海澨之至意所有辦理情形謹合  
詞附片陳明伏乞

聖鑒謹

奏 道光二十六年閏五月二十四日具

奏奉

硃批本地土盜不能制伏安望其他爾該督撫提鎮當  
如何激發天良實力振作耶欽此

附奏昭文縣佃戶滋事將知縣毓成撤委片子

再昭文縣前有鄉民至已革漕書薛正安家滋鬧  
因薛正安赴縣喊稟該鄉民卽隨赴縣署喧嚷竝  
另有職員陳茂堂家被人打毀情事經臣風聞札  
查僅據該縣毓成獲犯一名尙未訊明定案正在  
勒限拏解適該縣東鄉佃戶向業戶還租爭價輒  
至鳴鑼糾衆打毀業戶多家經該管蘇州府知府  
桂超萬馳往查勘當獲首從各犯二十九名地方

均極安謐惟該縣毓成遇事查辦不力應卽先行  
撤任除遴委候補同知何士祁前往接署仍責令  
毓成協拏各案要犯務獲解省訊明實在起衅根  
由如果毓成辦理不善另行據實指參外謹先附  
片陳明伏乞

聖鑒謹

奏

硃批覽欽此



查明蘇省積欠災緩銀米麥豆穀石實在數目摺

子附清單

奏爲遵

旨查明江蘇省積年民欠及因災緩徵銀米麥豆穀石  
實在未完各數開具清單恭摺會

奏仰祈

聖鑒事竊准部咨欽奉

上諭朕勤求民隱子惠元元自御極以來蠲賦緩徵恩

膏迭沛所願人安樂利戶裕蓋藏俾閭閻日臻康阜  
因念各省民欠錢糧自道光十五年降旨蠲免後計  
期已逾十稔本年恭逢

聖母皇太后七旬萬壽海隅乂安民物豐裕允宜推廣

慈恩覃敷闔澤用昭錫類之仁所有各省節年正耗民欠  
錢糧及因災緩徵帶徵銀穀並借給籽種口糧牛具  
及漕項蘆課學租雜稅等項著該督撫將軍府尹等  
將道光二十年以前實欠在民者詳晰查明該省所

屬某州某縣銀穀若干速行開單具奏候朕降旨全  
行豁免竝著先將此旨刊刻謄黃徧行曉諭務使城  
市村鄉咸喻朝廷德意毋任官吏胥役等延閣侵漁  
致滋弊竇期吾民休養生息孝弟力田比戶可封催  
科不擾用副朕延

釐篤祐申錫無疆至意該部卽遵諭行欽此當經恭錄轉  
行江蘇兩藩司兩糧道欽遵查辦一面刊刻謄黃  
頒發各屬徧行曉諭臣等伏查江蘇錢漕重大甲

於他省上屆查辦道光十年以前民欠銀五百餘萬兩米麥豆穀一百三十九萬餘石均已奉

旨豁免今自道光十一年起至二十年止復荷

恩綸蠲除逋賦凡在茅簷蔭屋無不感頌

皇仁計每年應徵之款歷於

奏銷及上下忙案內嚴行提解將完欠分數分別造冊

奏咨考核本極周詳是以熟田民欠爲數尙少惟因

水旱不齊小民元氣未復以致因災緩徵之項積數較多而款目紛繁年分又遠勾稽洵爲不易節經諄飭司道妥議章程通飭各屬按年按款逐細確查如有徵存在庫及續後完解者一概剔除總以實欠在民者方准查辦并查未完民欠全以串簿爲憑由該管府州就近提取逐一覆加磨對務須請豁之數與未截印串及日徵紅簿交代案據昭合遮加印結送司核詳其直隸州民欠卽由巡

道核盤加轉如有官吏影射朦混責令據實揭參  
并又疊次札催去後茲據江甯布政使徐廣縉署  
蘇州布政使周祖植江安督糧道沈兆澐蘇松督  
糧道倪良燿先後會督各道府州查實節年民欠  
及因災緩徵銀米各確數造冊開單詳請具

奏前來

臣

等復細加查核除蘇州藩司所屬之太湖

嘉定崇明三廳縣并鎮江衛應徵錢糧均係年清  
年款竝無二十年前應豁民欠又上海丹徒寶

山三縣節年民欠錢糧已於失守案內欽奉

恩旨查豁應歸專案核辦外計自道光十一年起至道光二十年止江甯藩司所屬熟田應徵項下實欠地漕等銀二十三萬五千三百五十四兩零米豆四萬九千五百一十五石零蘇州藩司所屬熟田應徵項下實欠地漕等銀一十一萬五百一十四兩零米八百二石零又因災緩徵項下江甯藩司所屬地漕各款共銀三百三十二萬二千七百三

兩零米麥豆穀一百五萬一千六百一十四石零  
蘇州藩司所屬地漕各款共銀二百八十一萬七  
千五百四十四兩零米豆二百六十七萬九千二  
百八十一石零均因連年災歉疊奉

恩旨遞緩本不在應徵之列尙非花戶完納不前亦非  
州縣催科不力以上江蘇省統其熟田未完銀三  
十四萬五千八百六十八兩零米豆五萬三百一  
十七石零因災遞緩銀六百一十四萬二百四十



七兩零米麥豆穀三百七十三萬八百九十五石  
零均係實欠在民竝無絲粒隱混除將應豁款冊  
咨部外謹會同漕運總督臣程裔采河道總督臣  
潘錫恩合詞恭摺具

奏竝開繕清單敬呈

御覽恭候

恩旨遵行再各屬社倉應豁穀石另飭查數詳咨歸於  
本案報銷冊內造報又各項應免雜款及攤徵河

銀均照上屆成案查實另行分別具

奏其蘇州藩司所屬並無出借常平倉穀及籽種口  
糧牛具合并陳明伏乞

皇上聖鑒謹

奏 道光二十六年六月二十三日具

奏奉

硃批戶部議奏單并發欽此

謹將江蘇省道光二十年以前實欠在民及因災  
緩帶銀米麥豆穀石各數彙開清單恭呈

御覽

計開

江甯藩司所轄江甯淮安揚州徐州四府通海二  
州屬并海門廳

道光十一年起至道光二十年止實在節年民

欠熟田項下地丁驛俸扛腳屯折貢舫蘆課

雜稅公費學租油麻河灘租漕倉並補徵十  
年以前新陞地丁灘租其正耗銀二十三萬  
五千三百五十四兩二錢二分六釐五毫南  
屯恤孤公費漕項米豆四萬九千五百一十  
五石一斗二升七合四勺

道光十一年起至道光二十年止實在因災遞  
緩帶徵坍江候豁地丁驛俸扛脚屯折貢舫  
蘆課雜稅公費空缺學租漕價出借籽種河

灘油麻租並漕項漕倉其正耗銀三百三十二萬二千七百三兩六錢五分三釐南屯恤孤公費出借常平倉穀並漕糧漕項米麥豆穀一百五萬一千六百一十四石一升三合七勺

蘇州藩司所轄蘇州松江常州鎮江四府并太倉州屬

道光十一年起至二十年止實在節年民欠熟

田項下地丁扛腳蘆課雜稅學租並漕項共  
正耗銀一十一萬五百一十四兩七錢七分  
三釐漕項米八百二石三斗四升二合

道光十一年起至二十年止實在因災緩徵遞  
緩地丁扛腳屯折蘆課學租並漕項共正耗  
銀二百八十一萬七千五百四十四兩一錢  
九分漕南屯恤米豆二百六十七萬九千二  
百八十一石八斗三升五合七勺

查明各州縣歷年墊完民欠銀米懇

恩豁免摺子

附清單

奏爲查明積欠案內各州縣歷年墊完民欠銀米無

從徵還籲懇

天恩一體豁免仰祈

聖鑒事竊照欽奉

恩旨查豁道光二十年以前積年民欠錢糧業經

臣等

督飭司道府州等查實欠數另摺開單具

奏惟查各屬尙有民未完納官爲墊解之款歷年奏銷案內雖報已完而實徵簿內確係民欠飭提未截版串交代案據詳悉核對均屬相符由該管道府州取具切實印結逐層加轉毫無捏混統計兩藩司屬自道光十一年起至二十年止除陸續徵完歸補外尙有墊完未徵銀一十四萬九千五百五十九兩零又米豆七十三萬七千八百四十七石零按照各州縣交代原抵之數合銀二百三十



六萬九千八百九十五兩零查州縣經徵漕糧例  
有定限本無須代完民欠惟江南賦額重大漕船  
又行次在先催兌催開萬分緊迫花戶殷疲不一  
勢難掃數全完不能不暫動庫款買米交幫俾

天庾正供無悞其地丁漕項每年奏銷屆限畸零小戶  
完納不前亦不能不爲那墊遇有交代厯將墊完  
銀米作抵其中漕米尾欠爲數居多原期次第催  
追歸還存庫祇以頻年灾歉民力拮据甚於往昔

以致舊欠未減新款又增有司經歲催科輸將終難踴躍今民間逋賦盡荷

蠲除卽官所墊完無從歸補且事非一任時非一年若令原墊各員按數賠繳無論咨追他省徒托空言卽在本省服官亦無盈餘可措必不得已仍由現任分攤如上屆豁免案內查出官墊銀一百五十萬餘兩分作二十年攤補除初二限銀兩業經提清

奏報外其餘各限有提無解展轉至今又有攤補軍需墊用不敷銀兩辦公倍形竭蹶若再以數百萬帑項飭令官代民賠不特無濟於公且恐東那西掩或竟朘削民膏流弊因而滋甚據江甯藩司徐廣縉署蘇州藩司周祖植江安糧道沈兆澐蘇松糧道倪良燿詳據各府州稟請將此項墊完民欠銀米各按交代原抵之數一體豁免註銷動缺存庫等情會詳請

奏前來臣等覆查此項銀米官墊實非官虧欠於民者既普

恩施墊之官者亦早充

國用本在豁免之列名異實同徒爲賠補之煩損多益少合無仰懇

天恩俯准將江蘇省墊完民欠銀米兩項合銀二百五十一萬九千四百五十四兩零一體豁免註銷各屬存庫庶州縣咸與維新小民各得其所似揣本

以齊末卽截流而清源此後惟有督飭司道府州  
加意徵儲倍嚴稽核庫款務期實在不任稍涉虛  
懸仰副

聖主肅載生全之至意謹合詞恭摺具

奏竝繕清單敬呈

御覽伏乞

皇上聖鑒訓示謹

奏 道光二十六年六月二十三日具

李文恭公奏議

卷十一

蘇撫

三

奏奉

硃批戶部議奏單并發欽此

謹將江蘇省兩藩司屬墊完民欠銀米各列

清單恭呈

御覽

計開

江藩司屬

道光十一年起至二十年止墊完民欠除徵完  
外尙有墊銀四萬四千四百九十一兩七錢  
四分八釐三毫又米豆一萬四千二百三十

三石五斗七升九合六抄照交代原抵之數  
合銀三萬三千七百九十四兩一錢二分八  
釐七毫共銀七萬八千二百八十五兩八錢  
七分七釐

蘇藩司屬

道光十一年起至二十年止墊完民欠除徵完  
外尙有墊銀一十萬五千六十七兩二錢九  
分八釐又米七十二萬三千六百一十四石



一斗七升五合九勺照交代原抵之數合銀  
二百三十三萬六千一百一兩一錢九分一  
釐共銀二百四十四萬一千一百六十八兩  
四錢八分九釐

請獎捐米各員摺子

附清單

奏爲官員捐辦米石派幫搭運請

旨勅部照章議叙以示鼓勵恭摺奏祈

聖鑒事竊前准部咨有漕省分各官捐廉辦米搭運京  
倉者酌定鼓勵章程奏奉

俞允抄錄原奏移咨到蘇卽經通飭遵照在案嗣屆道  
光二十六年起運二十五年漕糧之期據江甯府  
知府徐青照等十三員共捐辦米四千六百五十

石分派各幫加裝帶運請照章分別加級加銜聲  
明前任四川雷波廳通判徐先琅籍隸安徽因服  
滿起復就近報効請一體給予議叙所有搭運用  
費已由各員酌量貼給毋庸動支漕項錢糧其米  
石係用平斛取具各幫收兌無虧鈐結請俟抵通  
交卸時畫一計算竝隨同正糧收納等情當經咨  
明戶部倉場查照茲據江甯布政使徐廣縉江安  
督糧道沈兆澧署蘇州布政使周祖植蘇松督糧

道倪良燿先後會詳請

奏前來

臣

等伏查徐青照等捐辦米石竝酌給負重銀兩尙屬急公據請加級加銜之處均核與章程相符理合開繕簡明清單恭呈

御覽請

旨勅部照章分別給予議叙以示鼓勵除咨明吏戶部外謹合詞恭摺具

奏伏乞

皇上聖鑒謹

奏  
道光二十六年六月二十三日具  
奏奉

硃批該部議奏單并發欽此

謹將江蘇省各官捐米數目應給加級加銜等差  
開繕清單恭呈

御覽

計開

江甯府知府徐青照捐輸平斛米二百六十石請  
加隨帶一級

海州直隸州知州毓彬捐輸平斛米二百四十石  
請加二級

泰州知州張之杲捐輸平斛米三百六十石請加  
三級

署松江府管糧通判事試用通判童景曾捐輸平  
斛米六百石請加知州銜

四川榮昌縣陞任雷波廳通判徐先琅捐輸平斛  
米六百石請加知州銜

上元縣知縣李映葵捐輸平斛米一百六十石請  
加二級

江甯縣知縣范仕義捐輸平斛米一百六十石請  
加隨帶一級

六合縣知縣張銘曉捐輸平斛米九百一十石請  
加知州銜並請加二級

淮陰常熟縣知縣李琮捐輸平斛米一百六十石  
請加二級

署山陽縣事准調甘泉縣知縣劉坦捐輸平斛米  
二百四十石請加三級



清河縣知縣范傳勲捐輸平斛米三百二十石請  
加二級又隨帶加一級

青浦縣知縣李炳照捐輸平斛米三百二十石請  
加隨帶二級

署丹徒縣事候補知縣莫載捐輸平斛米三百二  
十石

請加隨帶二級

調補長洲縣知縣摺子

奏爲遴員調補省會要缺知縣恭摺奏祈

聖鑒事竊照長洲縣知縣陳介眉請陞通州直隸州知

州業經奏蒙

諭旨允准所遺長洲縣知縣係衝繁疲難四項兼全最  
要之缺例應在外揀選調補該縣爲省會首邑五  
方雜處政務殷繁且時有發審要案非精明幹練  
之員不足以資治理

臣

等於通省實任知縣內逐

加遴選非現居要缺卽人地未宜惟查有准調銅  
山縣知縣左輝春年四十歲湖南舉人大挑知縣  
簽掣南河試用期滿

奏明改歸地方因江北防堵出力奉

旨賞加知州銜儘先補用

題補震澤縣知縣道光二十三年十一月到任旋調  
銅山縣知縣奉部覆准尙未到任查該員清勤練  
達明決有爲以之調補長洲縣知縣洵堪勝任其

本任銅山縣係沿河兼三要缺今請調補四項兼  
全省會最要之缺核與定例相符雖歷俸未滿三  
年准調銅山縣未經到任惟人地實在相需專摺  
奏請據藩臬三司會詳前來臣等往返札商意見  
相同合無仰懇

聖恩俯念要缺需員卽以准調銅山縣知縣左輝春調  
補長洲縣知縣洵於地方有裨該員係現任知縣  
再調知縣銜缺相當毋庸送部引

見一切因公處分例免核計所有前任震澤及署睢甯  
桃源高郵任內奉議罰俸各案共銀一千七百八  
十一兩零已於二十四年八月二十三至二十六  
年六月二十三等日全數解司專案造冊咨銷所  
遺銅山縣要缺容另遴員請調謹合詞恭摺具

奏伏乞

皇上聖鑒訓示謹

奏  
道光二十六年七月初九日具

奏奉

硃批另有旨欽此內閣奉

上諭壁昌等奏揀員調補省會要缺知縣一摺著照所  
請江蘇長洲縣知縣員缺准其以左輝春調補該部  
知道欽此

特參交代虧短各令摺子

奏爲特參交代虧短銀米之知縣請

旨革職拏問恭摺奏祈

聖鑒事竊照州縣經手倉庫錢糧絲毫皆關

國帑不容稍有虧缺蘇省現值清查首務杜絕新虧  
尤須認真釐剔力除積弊茲查前署華亭縣知縣  
常恩前署青浦縣事靖江縣知縣朱瀚卸事後因  
交代初參屆限或造冊未齊或核冊外漏據現署

華亭縣高德明前署青浦縣李炳照先後詳咨參  
展由司詳明將朱瀚撤任同常恩交代分案添委  
會盤結算茲據松江府知府練廷璜查核常恩實  
虧華亭縣正項地漕等銀一萬七千五百八十八  
兩零米四百六十五石零朱瀚實虧青浦縣正項  
地漕等銀一萬九千二百九十六兩零米六百九  
十三石零開具年款詳揭由署蘇州藩司周祖植  
署臬司積喇明阿轉據該管道道府揭報詳請



奏參前來臣等伏查常恩朱瀚虧短銀米均係二十

五年解支款項數至累萬之多實屬大干

功令且現據詳報虧數核與高德明李炳照原稟應  
交銀項數目均不相符是否此外各款俱已有著  
有無不實不盡必須澈底根究嚴行著追相應奏  
明請

旨將前署華亭縣事丹徒縣丁憂知縣常恩前署青浦  
縣事靖江縣知縣朱瀚一并革職拏問以便提同

經手丁書人等嚴審是侵是那果否實止此數後  
任高德明等是否已逾二參揭報分別照例辦理  
除飭將常恩朱澣寓所資財先行查封一面飛咨  
鑲紅旗漢軍都統暨浙江撫臣速將旗籍家產查  
封備抵外理合恭摺具

奏伏乞

皇上聖鑒訓示謹

奏  
道光二十六年七月初九日具

奏奉

硃批另有旨片畱中欽此同日奉到

道光二十六年七月二十七日奉

旨這所參交代虧短銀米之江蘇前署華亭縣事丹徒  
縣丁憂知縣常恩前署青浦縣事靖江縣知縣朱瀚  
著一并革職拏問交該督等提同經手丁書人等澈  
底嚴訊按律定擬具奏該員寓所資財及該旗籍家  
產一并查封備抵餘著照所議辦理欽此

請將節婦總坊改建各州廳縣摺子

奏爲節婦總坊議請改建各州廳縣以資觀感恭摺  
奏祈

聖鑒事竊

臣

等先後接准部咨嗣後各省彙題節婦一

項查明何縣人氏應隸何府州廳所轄統計節婦  
共若干口題准後給銀三十兩於各該府州廳內  
官爲總立一坊毋庸按口給銀倘本家自願建坊  
仍聽其使其烈婦烈女孝子順孫義夫貞女均照

舊例每名給銀三十兩建坊有題請建立總坊者亦准照辦等因均經通行遵照在案臣等伏查窮簷嫠婦坊表里門扶植綱常久推

鉅典惟將總坊建立郡城竊慮所屬鄉民相距較遠未克周知不足以明昭激勸臣等公同酌議可否請

將江蘇省各州廳縣查辦節婦以現奉題准爲斷每處各給銀三十兩由地方官於本境內擇地建立一坊標題

旌表節孝總坊字樣以後題准

旌表各節婦姓氏按年於坊側另豎石碑詳泐不再給  
銀建坊庶幾閭黨之間往來屬目其悉本邑某里  
某家節婦均已仰沐

皇恩增榮桑梓較之各府州每年動款建立總坊節省  
實多尤足動人興感之忱亦與表閭舊章相合其  
泐石工價所費無幾由該地方官捐辦倘各州廳  
縣境內現屆並無

旌表之節婦卽不必預建總坊俟合例請

旌有人再補給銀三十兩一律遵辦有願自建坊者仍

聽其便其烈婦烈女孝子順孫義夫貞女及各州

縣採訪彙建總坊之案仍照舊例辦理由江蘇兩

藩司議詳前來臣等謹會同江蘇學政臣張芾合

詞恭摺具

奏伏乞

皇上聖鑒勅部核覆施行謹

奏 道光二十六年七月初九日具

奏奉

硃批該部議奏欽此



覆奏訪拏術誑幼孩匪徒摺子

奏爲遵

旨飭拏術誑幼孩匪徒查無確據現仍隨時密訪恭摺

覆奏仰祈

聖鑒事竊臣等承准軍機大臣字寄道光二十六年六

月十六日奉

上諭御史蘇學健奏訪聞不法匪徒術誑幼孩傳布寢  
廣一摺據稱此等匪徒起於浙江沿及江蘇等處於

路上拋置食物竝於菓餅鋪內售賣食物時暗中更換小兒食之卽斃斃後潛取腦腎心肝有經拏送及訪獲到官者熬審受刑竝無畏懼總未審有端倪以致流傳漸廣等語果如該御史所奏邪匪爲害地方關係匪淺著耆英等各按摺內所指情形選派員弁嚴密訪查務期有犯必獲竝訊明此術起自何人意欲何爲按律懲辦以除邪惡而衛民生是爲至要原摺鈔給閱看欽此伏查本年五月間

臣

壁昌偶於出

署時見街市小兒多有用紅布一方綴於襟領者  
隨卽飭查據該府縣等回稟民間因風聞浙江蕭  
山縣有匪徒以食物誘毒小孩用瓦瓶攝人生魂  
之事愚民聽信傳言愛其子女意欲藉此避邪當  
經<sub>臣</sub>壁昌諄諭該府縣明查暗訪一面通飭曉諭  
居民小心防範毋稍惶惑<sub>臣</sub>李星沅亦於五月中  
旬查知蘇州省城徧貼傳單互相告誡勿拾路遺  
食物竝聞浙江蕭山地方首先受害其言似甚確

鑿當卽商同藩臬兩司以此事既有發端之地卽不難於根究隨飭蘇州府等不動聲色嚴切稽查竝密飭長洲縣知縣陳介眉專遣親丁改裝易服由吳江嘉興杭州而至蕭山沿途城鎮鄉村逐一跣訪雖傳說不同皆無實據亦無被害之家告官伸理竝據上元縣知縣李映棻訪獲形跡可疑之山東聊城縣人王台堂一名由江甯府徐青照督縣訊係賣藥爲生帶有瓦松粉浮萍粉等物係配

治無名腫毒該府縣當堂試令冲服並非毒物又據蘇州府知府桂超萬元和縣知縣孫琬吳縣知縣李蒙泉稟據地保顧士隴等先後獲解形跡可疑之何松濤徐振陸永董三王三張華山六名訊明何松濤係浙江餘姚縣人來蘇尋覓生意偶買枇杷用手巾包裹就地取食解渴並非誘人徐振係山東定陶縣人來蘇乞食因買吃燒餅失手墮地陸永係元和縣人手攜幼孩銀飾赴店換錢董

三王三係無錫縣人來蘇尋覓生意在街同走董  
三買有蜜糕因人擠落張華山係湖北大冶縣人  
來蘇販賣銅器適有賣粉團之人行走匆忙滑落  
粉團一箇伊想拾取不期被人拏住等語當將何  
松濤等徧身搜查竝無別物令將枇杷等物各自  
吃盡逾時無恙且各有寓所住址飭查來歷甚明  
卽經該府縣等將何松濤等保釋竝出示曉諭聽  
候官爲查辦不准妄拏又據揚州府知府吳葆晉

江都縣知縣張鵬展甘泉縣知縣彭以竺署儀徵  
縣知縣孫炳煒稟據民人殷長春等先後獲送形  
跡可疑之周林姚照璧劉蘭袁回安毛暢明毛正  
學毛茂元毛明海溫金良九名訊明周林係江都  
縣人攜帶角黍往探親戚姚照璧係安徽貴池縣  
人在泰州香店生理赴揚買取香料劉蘭係安徽  
貴池縣人赴淮探親袁回安係湖北興國州人赴  
泰州販賣煤炭各自路過揚州毛暢明毛正學毛

茂元毛明海溫金良俱係安徽和州人出外販賣梨糖等語按無可疑物件令將角黍等物當堂自行吃盡亦無他故跟查原籍各有住址當將周林等分別保釋嚴禁妄拏各在案其餘松江等各府州竝無報獲之案亦無被害之家數月以來節經臣等通飭各屬慎密查究毋令邪匪乘間竄匿毋任胥役藉端妄拏亦毋使鄉愚動爲浮言所惑溯自閏五月後本省風謠早息羣疑盡釋衆心以安



茲奉

諭飭查辦適與江蘇五月間傳聞相似

臣

等因此等邪

匪心計最爲譎張行蹤復多詭祕地方官畧不加  
察每易受其欺蒙未可以前此查係訛傳所獲亦  
非匪類又無被害之家赴官控告遂謂竟無其事  
以致偵緝稍疏惟當遵

旨嚴密訪查有犯必獲按律懲辦斷不敢化大爲小化  
有爲無以仰副

聖主保赤除奸之至意謹將江蘇省就案確查及現在  
遵辦情形據實恭摺覆

奏伏乞

皇上聖鑒謹

奏 道光二十六年七月二十七日具

奏奉

硃批審辦此等案件斷不可意存成見尤不可附和宣  
揚以致惶惑人心弄假成真無忘人無衅焉妖不自

作之語詳之慎之靜以處之欽此

附奏纒陳密查邪匪誑毒情形片子

再人情厭常喜新每藉不經之談侈爲不刊之論  
道聽塗說以訛傳訛而其害中於地方其幾伏爲  
事變唐臣韓愈有云甚矣人之好怪也不求其端  
不訛其末惟怪之欲聞誠慨乎其言之也如本年  
夏初浙江蕭山縣義橋臨浦等鎮偶有幼孩暴卒  
之事因之傳單四布遠近譁言江蘇各屬城村羣  
以邪匪誑毒禁食糖果而窮簷小本貿易以糖果

爲生業者遂終日不得一錢蚩蚩者輕去其鄉人  
地生疏輒調形跡可疑橫加摻詰甚至叢毆以後  
再行緝送經府縣當堂研試其信無他一面嚴禁  
妄攀出示開導令各安居樂業毋爲浮言所惑民  
心始就帖然至六月中旬又傳浙江上虞縣有睡  
中迷魘者有聞腥風發暈者有紙人夜出攫食暗  
剪雞毛者及委員分途確查則仍絕無其事此必  
前說已窮更易一說以新耳目非奸民乘機恐嚇

圖便穿窬卽游民好事播揚憑空杜撰以尼山所  
不語致鄭人之相驚如蜩如蟬爲鬼爲蜮臣等愚  
昧之見竊以事難理喻惟在至乎其常妖由人興  
尤必鎮之以靜雖採生折割幻術何窮而乍見惻  
隱良知所共果有邪匪誑毒直省風行地方文武  
各官非喪心病狂當不忍爲諱匿且此項邪匪旣  
將伐掘於其死何不誘拐騙於其生又安知毒斃  
之兒其心肝腦腎卽探囊而取耶又能禁被害之

家皆箝口結舌不一鳴之官耶現在比戶相安前  
說盡息仍由臣等疊飭各屬隨時隨地認真設法  
踴訪其查辦不力稍涉粉飾者卽行指名撤參惟  
以有無報案爲憑一切無稽之言相戒勿聽蓋風  
會邪正之判人心動靜之機隱繫於此不敢不深  
思熟慮謹再據實縷陳伏乞

聖鑒謹

奏

硃批今夏京中傳聞此說朕早洞悉卿等不知耳欽此